

張氏景岳全書

江蘇王宜之
署簽

嘔吐

經義

至真要大論曰諸痿喘嘔皆屬於上○諸逆衝上皆屬於火諸嘔吐酸暴注下也皆屬於熱

脈解篇曰太陰所謂食則嘔者物盛滿而上溢故嘔也○少陰所謂嘔欬主氣喘者陰氣在太陽氣在少陽諸陽氣浮無所依從故嘔欬上氣喘也

經脈篇曰足太陰之脈挾咽連舌本散舌下其支者復從胃別上膈注心中是動則病舌本強食則嘔胃脘痛腹脹善噫○足厥陰肝所生病者胸滿嘔逆

舉痛論曰寒氣客於腸胃厥逆上出故痛而嘔也

六元正紀大論曰少陽所至為嘔涌○厥陰所至為脇痛嘔泄

邪氣臟腑病形篇曰膽病者善太息口苦嘔宿汁○肝脈緩甚為善嘔○腎脈微緩為洞洞者食不化下噎還出

四時氣篇曰善嘔嘔有苦長太息心中憺憺恐人將捕之邪在膽逆在胃膽液泄則口苦胃氣逆則嘔苦故曰

嘔膽

刺禁論曰刺中膽一日半死其動為嘔

診要經終論曰太陰終者腹脹閉不得息善噫善嘔嘔則逆逆則面赤

五味論曰苦走骨多食之令人變嘔

論證 共四條

嘔吐一證最當詳辨虛實實者有邪去其邪則愈虛者無邪則全由胃氣之虛也所謂邪者或暴傷寒涼或暴

傷飲食或因胃火上衝或因肝氣內逆或以痰飲水氣聚於胸中或以表邪傳裏聚於少陽陽明之間皆有嘔證此皆嘔之實邪也（所謂虛者或其本無內傷又無外感而常為嘔吐者此既無邪必胃虛也或遇微寒或遇微勞或遇飲食少有不調或肝氣微逆即為嘔吐者總胃虛也凡嘔家虛實皆以胃氣為言使果胃強脾健則凡遇食飲必皆運化何至嘔吐故雖以寒熱飢飽大有所傷亦不能動而茲略有所觸便不能勝使非胃氣虛弱何以若此此虛實之原所當先察庶不致誤治之害

一凡胃氣本虛而或停滯不行者是又虛中有實不得不暫從清理然後可以培補○又或雖有停滯而中氣虛困不支者是又所急在虛不得不先顧元氣而略兼清理此中本末先後自有確然之理所以貴知權也

一嘔家雖有火證詳列後條然凡病嘔吐者多以寒氣犯胃故胃寒者十居八九內熱者十止一二而外感之嘔則尤多寒邪不宜妄用寒涼等藥使非真有火證而誤用之胃強者猶或可支胃弱者必遭其虛觀劉河間曰胃膈熱甚則為嘔火氣炎上之象也此言過矣若執而用之其害不小又孫真人曰嘔家聖藥是生薑此的確之見也勝於河間遠矣 一仲景曰傷寒嘔多雖有陽明證不可攻之此但以傷寒為言也然以余之見則不但傷寒而諸證皆然何也蓋雜證嘔吐尤非傷寒之比其在傷寒則猶有熱邪但以熱在上焦未全入府則下之為逆故不可下也若雜證之嘔吐非胃寒不能化則脾虛不能運耳脾胃既虛其可攻乎且上下之病氣或無涉而上下之元氣實相依此嘔吐之所以不可攻者正恐病在上而攻其下下愈虛則上愈困耳

虛嘔證治 共三條

凡胃虛作嘔者其證不一當知所辨若胃脘不脹者非實邪也胸膈不痛者非氣逆也內無熱躁者非火證也外無寒熱者非表邪也無食無火而忽為嘔吐者胃虛也嘔吐無常而時作時止者胃虛也食無所停而聞食則嘔者胃虛也氣無所逆而聞氣則嘔者胃虛也或身背或食飲微寒即嘔者胃虛也或吞酸或噯腐時苦惡心兀兀然泛泛然冷嘔靡寧者胃虛也或因病誤治妄用克伐寒涼本無嘔而致嘔者胃虛也或朝食暮吐暮

食朝吐食入中焦而不化者胃虛也食入下焦而不化者土母無陽命門虛也凡此虛證必皆宜補是固然矣然胃本屬土非火不生非煖不化是土寒者即土虛也土虛者即火虛也故曰脾喜煖而惡寒土惡濕而喜燥所以東垣脾胃論特著溫補之法蓋特為胃氣而設也庸可忽哉第在河間則言嘔因胃火是火多實也茲余言嘔因胃寒是寒多虛也一熱一寒若皆失中和之論不知嘔因火者余非言其必無但因火而嘔者少因寒而嘔者多耳因胃實而嘔者少因胃虛而嘔者多耳故不得不有此辨

一虛嘔之治但當以溫胃補脾為主宜人參理中湯為正治或溫胃飲聖求煎參薑飲之類亦可酌用或黃芽丸尤為最妙○若胃口寒甚者宜附子理中湯或四味回陽飲或一炁丹主之○若虛在陰分水泛為痰而嘔吐者宜金水六陰煎虛甚者宜理陰煎或六味回陽飲○若久病胃虛不能納穀者俱當以前法酌治之○若胃氣微虛而兼痰者宜六君子湯主之 一凡中毒而吐者當察其所中者何物蓋中熱毒而吐者宜解以苦寒之劑中陰寒之毒而吐瀉不止者宜解以溫熱之劑若因吐瀉而脾胃致虛者非大加溫補不可○此證有中寒毒吐瀉治按在後當並閱之

實嘔證治 共九條

凡實邪在胃而作嘔者必有所因必有見證若因寒滯者必多疼痛因食滯者必多脹滿因氣逆者必痛脹連於脇肋因火鬱者必煩熱燥渴脈洪而滑因外感者必頭身發熱脈數而緊如無實證實脈而見嘔吐者切不可實邪論治

一寒邪犯胃而作嘔者其證有三○一以食飲寒涼或誤食性寒生冷等物致傷胃氣因而作嘔若果寒滯未散而兼脹兼痛者宜溫中行滯以大小和中飲神香散或二陳湯加薑桂之類主之或和胃飲亦佳○一以陰寒氣冷或雨水沙氣及水土寒濕之邪犯胃因而作嘔作泄若寒滯未散而或脹或痛者宜溫中散寒以平胃散神香散加減二陳湯除濕湯局方四七湯大七香丸之類主之○一以風寒外感或傷寒或痰癘凡邪在少

陽表邪未解而漸次入裏所以外為寒熱內為作嘔蓋少陽之經下胸中貫膈而然此半表半裏證也治宜解表散寒以柴陳煎小柴胡湯正柴胡飲之類主之若微嘔微吐者邪在少陽若大嘔大吐者此又邪在陽明胃家病也宜二陳湯或不換金正氣散藿香正氣散之類主之若胃虛兼寒者惟理中湯溫胃飲之類為宜一飲食傷胃而作嘔者如果留滯未消而兼脹痛等證宜大和中飲排氣飲神香散之類主之或啟脾丸亦可酌用○如食已消而嘔未止者宜溫胃飲主之 一火在中焦而作嘔者必有火證火脈或為熱渴或為躁煩脈必洪數吐必湧猛形氣聲色必皆壯麗若察其真有大邪但降其火嘔必自止○火微兼虛者宜外臺黃芩湯或半夏瀉心湯○火甚者宜抽薪飲或大小分清飲○若暑熱犯胃多渴多嘔氣虛煩躁而火有不清者竹葉石膏湯○若熱甚嘔吐不止而火在陽明兼頭痛者白虎湯或大清飲或六一散○若胃暑嘔吐而火不甚者宜香薷飲或五物香薷飲○此有胃火治按在後 一痰飲留於胸中或寒濕在胃水停中脘而作嘔吐者宜和胃二陳煎苓朮二陳煎或小半夏加茯苓湯橘皮半夏湯之類皆可酌用 一氣逆作嘔者多因鬱怒致動肝氣胃受肝邪所以作嘔然胃強者未必易動而易動者多因胃虛故凡治此者必當兼顧胃氣宜六君子湯或理中湯主之○若逆氣未散或多脹滿者宜二陳湯或橘皮半夏湯之類主之或神香散亦佳 一瘧痢件嘔者其在瘧疾則以表邪內陷凡邪在少陽陽明太陰者皆能作嘔但解去表邪嘔必自止○其在痢疾之嘔則多因胃氣虛寒蓋表非寒邪無以成瘧裏非寒邪無以成痢而病不知本尚何醫云二證方論具載本門一朝食午吐午食晚吐或朝食暮吐詳後反胃門 一方治嘔吐之極或反胃粥湯入胃即吐垂死者用人參二兩水一升煮四合熱服日再進兼以人參煮粥食之即不吐

吐虺

凡吐虺者必因病而吐虺非因虺而致吐也故不必治其虺而但治其所以吐則虺自止矣○有因胃火而吐虺者以內熱之甚虺無所容而出也但清其火大清而虺自靜輕者抽薪飲甚者萬應丸之屬是也○有因胃

寒而吐虻者以內寒之甚虻不能存而出也但溫其胃胃煖而虻自安仲景烏梅丸之屬是也○有因胃虛無食而吐虻者以倉廩空虛虻困求食而上出也此胃氣大虛之候速宜補胃溫中以防根本之敗如溫胃飲理中湯聖疔煎之屬是也○以上三者固皆治虻之法然虻有死者有活者若吐死虻則但治嘔如前可也若活虻上出不已則不得有以逐之蓋虻性畏酸畏苦但加烏梅為佐使則虻自伏也若胃實火盛者可加苦棟根或黃連亦善○其有未盡者俱詳列諸蟲本門及後條吐虻治按中

治嘔氣味論

凡治胃虛嘔吐最須詳審氣味蓋邪實胃張者能勝毒藥故無論氣味優劣皆可容受惟胃虛氣弱者則有宜否之辨而胃虛之甚者則於氣味之間關係尤重蓋氣虛者最畏不堪之氣此不但腥臊耗散之氣不能受即微香微郁并飲食之氣亦不能受而其他可知矣胃弱者最畏不堪之味此非惟至苦極劣之味不能受即微鹹微苦并五穀正味亦不能受而其他可知矣此胃虛之嘔所以最重氣味使或略有不投則入口便吐終無益也故凡治陽虛嘔吐等證則一切香散鹹酸辛味不堪等物悉當以己意相測測有不妥切不可用但補其陽陽回則嘔必自止此最確之法不可忽也余嘗見一沈姓者素業醫極多勞碌且年及四旬因患癩疔下墜欲提使上升自用鹽湯吐法不知胃虛畏鹹遂致吐不能止湯水皆嘔如此者一日一夜忽又大便下黑血一二碗而脈則微渺如毛幾如將絕此蓋吐傷胃氣脾虛之極兼以鹽湯走血故血不能攝從便而下余令其速用人參薑附等劑以回垂絕之陽庶乎可療忽又一醫至曰諸逆衝上皆屬火也大便下血亦因火也尚堪用參附乎宜速飲童便則嘔可愈而亦血止矣其人以為有理及童便下咽即嘔極不堪名狀嘔不止而命隨繼之矣嗚呼夫以胃強之人亦且聞尿欲嘔况嘔不能止而復可加以尿乎此不惟死者堪憐而妄用若此者尚敢稱醫誠可惡可恨也故筆之於此并以微氣味之證 又別有氣味治按在小兒門嘔吐條中所當參酌

述古共五條

王太僕曰內格嘔逆食不得入是有火也病嘔而吐食入反出是無火也

金匱要略曰先嘔却渴者此為欲解先渴却嘔者為水停心下此屬飲家嘔家本渴今反不渴者以心下有支飲故也此屬支飲○問曰病人脈數數為熱當消穀引食而反吐者何也曰以發其汗令陽微膈氣虛脈乃數數為客熱不能消穀胃中虛冷故也脈弦者虛也胃氣無餘朝食暮吐變為胃反寒在於上醫反下之今脈反弦故名曰虛○病人欲吐者不可下之○嘔而胸滿者茱萸湯主之 嘔而吐涎沫頭痛者茱萸湯主之○嘔而腸鳴心下痞者半夏瀉心湯主之○乾嘔而利者黃芩半夏生薑湯主之○諸嘔吐穀不得下者小半夏湯主之 嘔吐而病在膈上後思水者解急與之思水者猪苓散主之○嘔而脈弱小便復利身有微熱見厥者難治四逆湯主之 嘔而發熱者小柴胡湯主之○胃反嘔吐者大半夏湯主之○食已即吐者大黃甘草湯主之○胃反吐而渴欲飲水者茯苓澤瀉湯主之○乾嘔吐逆吐涎沫者半夏乾薑散主之○病人胸中似喘不喘似嘔不嘔似噦不噦徹心中憤憤然無奈者生薑半夏湯主之○乾嘔噦若手足厥者橘皮湯主之 朱丹溪曰胃中有熱膈上有痰者二陳湯加炒山梔黃連生薑○有久病嘔者胃虛不納穀也用人參生薑黃耆白朮香附之類○嘔吐朱奉議以半夏橘皮生薑為主○劉河間謂嘔者火氣炎上此特一端耳○有痰膈中焦食不得下者○有氣逆者 有寒氣鬱於胃口者○有食滯心肺之分新食不得下而反出者○有胃中有火與痰而嘔者○嘔吐藥忌瓜薑杏仁桃仁蘿蔔子山梔皆能作吐○肝火出胃逆上嘔吐者抑青丸○夏月嘔吐不止五苓散加薑汁○吐蟲用炒錫灰檳榔末米飲服○胃中有熱者二陳湯加薑苓連○惡心有熱有痰有虛皆用生薑入藥

薛立齋曰若脾胃氣虛而胸膈不利者用六君子湯壯脾土生元氣○若過服辛熱之劑而嘔吐噎膈者用四君子加芎歸補脾土以抑陰火○胃火內格而飲食不入者用六君子加苓連清熱養胃○若病嘔吐食入而反出者用六君子加木香炮薑溫中補脾○若服耗氣之劑血無所生而大便燥結者用四君子加芎歸補脾

生血○若火逆衝上食不得入者用四君子加山梔黃連清熱養血○若痰飲阻滯而食不得入者用六君子加木香山梔補脾化痰○若脾胃虛寒飲食不入或入而不化者用六君子加木香炮薑溫補脾胃更非慎房勞節厚味調飲食者不治年高無血者亦不治

徐東臯曰胃虛嘔吐惡食不思食兼寒者惡寒或食久還吐或朝食暮吐暮食朝吐脈遲而微瀯此皆虛寒者也宜藿香安胃散理中湯甚者丁香煮散溫補○胃中鬱熱飲食積滯而嘔者則惡食惡寒煩悶膈滿或渴喜涼聞食則吐服藥亦吐脈洪大而數此皆實熱者也宜竹茹湯麥門冬湯清之若食積多者用二陳加神麩麥芽黃連保和丸之類消導之

中寒毒吐瀉脹滿新按

凡胃寒者多為嘔吐而中寒毒者又必吐而兼瀉余在燕都嘗治一吳參軍者因見鮮蘆菇肥嫩可愛令庖人買而羹之以致大吐大瀉延彼鄉醫治之咸謂速宜解毒乃以黃連黑豆桔梗甘草枳實之屬連進之而病益甚遂至胸腹大脹氣喘水飲皆不能受危窘已甚延救於余投以人參白朮甘草乾薑附子茯苓之類彼疑不敢用曰腹脹氣急口乾如此安敢再服此藥乃停一日而病愈劇若朝露矣因而再懇與藥如前彼且疑且畏而決別於內間曰必若如此則活我者此也殺我者亦此也余之生死在此一舉矣遂不得已含淚吞之一劑而嘔少止再劑而脹少息遂大加熟地黃以兼救其瀉亡之陰前後凡二十餘劑復元如故彼因問曰余本中毒致病鄉人以解毒而反劇先生以不解毒而反愈者何也余曰毒有不同豈必如黃連甘桔之類乃可解耶即如蘆菇一物必產於深坑枯井或沉寒極陰之處乃有之此其得陰氣之最盛故肥白最嫩也公中此陰寒之毒而復解以黃連之寒其謂之何茲用薑附非所以解寒毒乎用人參熟地非所以解毒傷元氣乎然則彼所謂解毒者適所以助毒也余所謂不解毒者正所以解毒也理本甚明而人弗能辨凡諸病之誤治者無非皆此類耳公頓首愀然嘆曰信哉使非吾文幾為含冤之魄矣祈壽諸梓以為後人之鑑云

胃火上衝嘔吐新按

一金宅少婦宦門女也素任性每多胸膈痛及嘔吐等證隨調隨愈後於秋盡時前證復作而嘔吐更甚病及兩日甚至厥脫不省如垂絕者再後延予至見數醫環視僉云湯飲諸藥皆不能受入口即嘔無策可施一醫云惟用獨參湯庶幾可望其生耳余因診之見其脈亂數甚而且煩熱躁擾莫堪名狀意非陽明之火何以急劇若此乃問其欲冷水否彼即點首遂與以半鍾惟此不吐且猶有不足之狀乃復與一鍾稍覺安靜余因以大清飲投之而猶有謂此非傷寒又值秋盡能堪此乎余不與辯及藥下喉即酣睡半日不復嘔矣然後以滋陰輕清等劑調理而愈大都嘔吐多屬胃寒而復有火證若此者經曰諸逆衝上皆屬於火即此是也自後凡見嘔吐其有聲勢湧猛脈見洪數證多煩熱者皆以此法愈之是又不可不知也

吐蛇新按

一胡宅小兒年甫三歲偶因飲食不調延幼科診治所用之藥無非清火化滯等劑因而更損胃氣反致嘔吐瀉泄復加清利遂致吐蛇初止數條漸至數十條細如燈草甚至成團攪結而出早晚不絕所下者亦如之蠱困至極求治於予因與溫胃飲二三劑其蟲朝夕不止其多如故初不識其何所從來而神化之速一至如此乃翁切懇曰止此一兒死生在公矣萬望先逐此蟲蟲不盡則病日甚其能生乎予弗之聽但以前藥倍加入參仍加附子二三劑而嘔吐漸稀瀉亦隨止乃以理陰煎溫胃飲出入間用十餘日而蟲漸少一月餘而飲食進肌肉生復元如故矣其翁積誠稱謝因問曰小豚之病誠然危矣今何以不治蟲不治嘔泄而三者俱愈可聞教乎予曰公之所畏者蟲也余之所畏者胃氣也且凡逐蟲之藥無有不傷胃氣者向使胃氣再傷非惟不能逐蟲而命必隨之矣其害孰甚故保生之權全在知本知末但使脾胃日強則拔去化蟲之源而三病同歸一得矣尚何蟲瀉之敢橫哉聞者嘆服因祈著按於此

又一王宅少婦年未二旬素喜瓜果生冷因常病心腹疼痛每發必數日不食後及二旬之外則每發必至吐

蛇初吐尚少自後日甚一日每吐必一二十條每發必旬日不食所經諸醫但知攻蟲旋去旋生百藥不效予
 為診視脈證并察病因知其傷於生冷以致脾胃虛寒陰濕氣聚故為此證使不溫養脾胃以杜寒濕化生之
 源而但事攻蟲蟲去復生終無濟也因製溫臟丸與之藥未完而病隨愈矣後因病愈而少年任意仍耽生果
 舊病復作再製丸服乃得全愈○觀此二證如前之小兒乃因涼藥傷脾所以生蟲後之女人乃因生果傷胃
 所以生蟲可見陰溼內淫而脾胃虛寒是即生蟲之由也故凡治蟲之法但察其別無疳熱等證者悉當以溫
 補脾胃為主

嘔吐論列方

- | | | | |
|--------------------------|--------------------------|--------------------------|-------------------------|
| 二陳湯 <small>和一</small> | 理中湯 <small>熱一</small> | 附子理中湯 <small>熱二</small> | 理陰煎 <small>新熱三</small> |
| 四君子湯 <small>補一</small> | 加減二陳湯 <small>和二</small> | 溫胃飲 <small>新熱五</small> | 六君子湯 <small>補五</small> |
| 金水六君煎 <small>新和一</small> | 聖朮煎 <small>新熱二</small> | 神香散 <small>新和十</small> | 四逆湯 <small>熱十</small> |
| 黃芽丸 <small>新熱一</small> | 四味回陽飲 <small>新熱一</small> | 參薑飲 <small>新熱八</small> | 啟脾丸 <small>和一八</small> |
| 和胃飲 <small>新和五</small> | 平胃散 <small>和十</small> | 六味回陽飲 <small>新熱二</small> | 五苓散 <small>和一</small> |
| 橘皮湯 <small>和十一</small> | 和胃二陳煎 <small>新和三</small> | 一炁丹 <small>新熱二</small> | 除濕湯 <small>和一</small> |
| 苓朮二陳煎 <small>新和四</small> | 排氣飲 <small>新和六</small> | 萊菔湯 <small>熱三</small> | 生薑半夏湯 <small>熱五</small> |
| 猪苓散 <small>和一</small> | 竹茹湯 <small>和一</small> | 半夏乾薑散 <small>熱四</small> | 保和丸 <small>小三</small> |
| 萬應丸 <small>攻九</small> | 茯苓澤瀉湯 <small>熱七</small> | 六一散 <small>寒百</small> | 香薷飲 <small>和一</small> |
| 五物香薷飲 <small>和百</small> | 白虎湯 <small>寒二</small> | 大清飲 <small>新寒</small> | 藿香安胃散 <small>熱七</small> |
| 抽薪飲 <small>新寒三</small> | 黃芩湯 <small>和一</small> | 藿香正氣散 <small>和二</small> | 柴陳煎 <small>新散九</small> |
| 柳青丸 <small>寒九</small> | 橘皮半夏湯 <small>和三</small> | 大半夏湯 <small>和十</small> | 小半夏湯 <small>和八</small> |

半夏瀉心湯寒二

大和中飲新和七

正柴胡飲新散六

大黃甘草湯攻三

黃芩半夏生薑湯和十

論外備用方

獨參湯補三

五味異功散補四

二朮二陳湯吐清和四

葛花解醒湯和一四

保和湯和四

橘半胃苓湯和一

甘露湯和七

倍朮丸和百

理中化痰丸熱九

吳茱萸湯熱一

甘草乾薑湯脾熱五

霍亂

經義

大分清飲新寒五

小和中飲新和八

仲景烏梅丸和二

大七香丸和一

參朮湯補四

大建中湯補二

益黃散脾寒氣滯

青州白丸子和百

丁香半夏丸寒疾

旋復花湯散八

丁香散熱六

丁香茯苓湯熱六

養正丹熱一

胡椒理中湯熱六

藿香安胃散熱七

小分清飲新和十

竹葉石膏湯寒五

麥門冬湯寒四

不換金正氣散和二

參苓白朮散補五

大建中湯補二

治中湯熱十

半夏丁香丸寒滯

陳皮湯和百

胃愛散熱七

丁香溫中湯熱十一

養胃湯熱十七

八味理中丸熱七

橘皮乾薑湯熱五

草豆蔻湯熱七

局方四七湯和九

小柴胡湯散十

丁香煮散熱六

小半夏茯苓湯和九

參附湯補三

香砂六君湯補七

茯苓半夏湯和十二

檳榔煎和二

六和湯和一

理中加丁香湯熱四

安脾散熱六

補脾湯熱六

五味沉附湯熱百

七味人參丸熱七

丁香柿蒂湯熱六

經脈篇曰足太陰厥氣上逆則霍亂

氣交變大論曰歲土不及民病飧泄霍亂

六元正紀大論曰不遠熱則熱至熱至則身熱吐下霍亂○太陰所至為中滿霍亂吐下 土鬱之發為嘔吐

霍亂

論證 共三條

霍亂一證以其上吐下瀉反覆不寧而揮霍撩亂故曰霍亂此寒邪傷臟之病也蓋有外受風寒寒氣入臟而病者有不慎口腹內傷食飲而病者有傷飢失飽飢時胃氣已傷過飽食不能化而病者有水土氣令寒濕傷脾而病者有早潦暴雨清濁相混誤中沙氣陰毒而病者總之皆寒濕傷脾之證邪在脾胃則中焦不能容受故從上而出則為吐從下而出則為瀉且凡邪之易受者必其脾氣本柔而既吐既瀉則脾氣不無更虛矣故凡治霍亂者必宜以和胃健脾為主健者培補之謂因其邪氣已去而胃氣受傷故非培補不可也和者調和之謂以其胃氣雖傷而邪猶未盡故非察其邪正而酌為調和不可也若其寒少滯多則但以溫平之劑調之可也若滯因於寒則非溫熱之劑不能調也而諸家有言為火者謂霍亂之病多在夏秋之間豈得為之傷寒乎吁謬亦甚矣不知夏秋之交正多臟寒之病蓋一以盛夏將止新涼初起天人易氣寒之由也一以酷暑當令生冷不節疾病因時寒之動也人以夏秋之外熱易見而臟腑之內寒難見故但知用熱遠熱而不知用寒達寒見之淺陋多有如此此所以多致誤也學者於此當熟察之

一轉筋霍亂證以其足腹之筋拘攣急病甚至牽縮陰丸痛迫小腹最為急候此足陽明厥陰氣血俱傷之候也觀河間曰轉筋經云反戾也熱氣燥燥於筋則攣而痛火主燔燥燥動故也或以為寒客於筋者誤也蓋寒雖主於收引然止為厥逆禁固屈伸不便安得為轉筋也所謂轉者動也陽動陰靜熱證明矣丹溪亦曰轉筋屬血熱余謂此二子之言總屬一偏之見不可從也試以內經質之不有曰經筋之病寒則反折筋急熱則

筋弛縱不收此轉筋者謂非反折筋急之病乎而何以謂之熱也夫所謂轉者以其堅強急痛有如扭轉之狀是謂轉筋今西北方以轉字作去聲者即其義也而河間曰轉者動也則不為強矣且凡患轉筋者必於大吐大瀉之後乃有此證未聞於吐瀉之前而先見轉筋者也若轉於吐瀉之前而謂之火猶可云因火而病也既轉於吐瀉之後則上下皆已火去豈因吐瀉而反生火耶又何以吐瀉之前火不轉耶河間其何以解之蓋陽明為五臟六腑之海主潤宗筋此證以陽明血氣驟損筋急而然本非火也觀無擇陳氏曰轉筋者以陽明養宗筋屬胃與大腸今暴吐下津液頓亡外感四氣內傷七情攻閉諸脈枯削於筋宗筋失養必致攣縮甚則卵縮舌卷為難治此說始為切當若從河間而作火治能無誤乎余故曰不可從也 一夏秋新涼之交或疾風暴雨或乍寒乍煖之時此皆陰陽相駁之際善養生者最於此時宜慎凡外而衣被內而口腹宜增則增宜節則節略為加意則却疾亦自不難其或少有不調而為微寒所侵則霍亂吐瀉攪腸腹痛瘧痢之類頃刻可至此其所忽者微而所害者大也且膏粱與藜藿不同薄弱與強壯迥異矧強者猶不可恃強而弱者顧可以忘弱耶此自珍者之不可忽也

論治 共七條

一霍亂初起當陰陽擾亂邪正不分之時惟宜以薑鹽淡湯徐徐與之令其徐徐吐或以二陳湯探吐之則吐中自有發散之意必候滯濁大出胃氣稍定乃察其有無泄瀉有無脹滿有無嘔惡以辨邪正虛實然後隨其證而調理之自無不愈者但於吐瀉擾亂之後胃氣未清邪氣未淨之時凡一切食飲之類宜使稍遲切不可急與粥湯以致邪滯復聚則為害不小也不可不慎亦不可妄用涼藥 一霍亂初起胃口不清邪氣未淨或脹或痛而嘔惡不止察其邪甚於上者宜和胃飲神香散或平胃散擇而用之邪甚於下者宜五苓散胃苓湯或苓朮二陳煎之類主之 一霍亂無脹無痛而但嘔惡不寤者此脾胃受傷虛寒證也若胃氣微虛兼滯者宜六君子湯或溫胃飲主之○若但虛無滯者宜理中湯或五君子煎主之○若虛而無寒者止用四君子

湯或五味異功散亦可。○若虛在陰分水中無火因瀉而嘔惡不已胸腹膨脹者必用理陰煎或去當歸加人參主之。○若吐利四肢拘急脈沉而遲此脾腎證也宜四君子加薑附厚朴或理陰煎主之。一霍亂雜證凡霍亂後身熱不退脈數無汗者宜酌其虛實於前治法中加柴胡主之寒邪甚者宜用麻黃。○吐利脈浮自汗者宜四君子加桂枝主之。○吐利頭痛身熱而渴者宜五苓散。○吐利因於過食或瓜菓生冷以致食留不化遂成痞膈霍亂者宜大小和中飲或六和湯主之若生冷寒勝者宜加炮薑肉桂吳茱萸之類。○元戎曰太陰證霍亂者理中加橘紅名治中湯若吐下心腹作痛手足逆冷理中去白朮加熟附子名四順湯若吐利後轉筋者理中加火煨石膏一兩。一轉筋腹痛者因胃氣暴傷以致陽明厥陰血燥筋攣而然法當養血溫經乃為正治若邪滯未清者或先宜和胃飲加肉桂木瓜主之。○若氣虛者宜四君子湯加當歸肉桂厚朴木瓜之類。○陰虛少血者宜理陰煎加肉桂木瓜主之。○又治轉筋法男子以手挽其陰女子以手揪兩乳此千金法也。一乾霍亂證最為危候其證則上欲吐而不能出下欲瀉而不能行胸腹攪痛脹急悶亂此必有飲食停阻外有寒邪閉遏蓋邪淺者易於行動故即見吐利邪深者陰陽格拒氣道不通故為此證若不速治多致暴死宜先用鹽湯探而吐之一以去其滯隔一以通其清氣但使清氣得升然後濁氣得降從瀉而出斯不致害藥以溫中散滯破氣等劑庶乎胃氣可舒而邪隨以散宜排氣飲加減主之或神香散或局方七氣湯亦可酌用。○向余荆人患此幾致不救有治按在腹痛門。一霍亂之後多有煩渴者此以吐利亡津腎水乾涸故渴欲飲水勢所必然但宜溫煖調脾以止吐瀉脾氣得和渴將自止或以獨參湯徐徐與之最妙法也。○其有本以陽臟而因瀉亡陰或見火盛喜冷內熱脈洪者宜益元散或竹葉石膏湯之類甘涼以劑之亦無不可。

述古 共三條

仲景曰霍亂頭痛發熱身疼痛執多欲飲水者五苓散主之。寒多不欲水者理中丸主之。○若臍上築者腎氣動也去朮加桂四兩。此下即理中湯加減法○吐多者去朮加生薑三兩。○下多者選用朮。悸者加茯苓二兩。渴

欲得水者加朮足前成四兩半○腹中痛者加人參足前成四兩半 寒者加乾薑足前成四兩半 腹滿者去朮附子一枚 服湯後如食須飲熱粥一升許微自溫勿發揭衣被 吐利止而身痛不休者當消息和解 其外宜桂子湯小和之○吐利汗出發熱惡寒四肢拘急手足厥冷者四逆湯主之○即吐且利小便復利而大汗出下利清穀內寒外熱脈微欲絕者四逆湯主之○吐已下斷汗出而厥四肢拘急而解脈微欲絕者通脈四逆加豬膽汁湯主之○吐利發汗脈平小煩者以新虛不勝穀氣故也

巢氏病源曰霍亂吐瀉皆由溫涼不調陰陽穀混二氣相干致脾胃受傷變為霍亂寒氣客於脾則瀉客於胃則吐亦由飲酒食肉腥膾生冷過度或因坐臥溼地當風取涼使風冷之氣歸於三焦傳於脾胃脾胃得冷水穀不消皆成霍亂

陳無擇曰霍亂者心腹卒痛嘔吐下利憎寒壯熱頭痛眩暈先心痛則先吐先腹痛則先瀉心腹俱痛則吐利並作甚至轉筋入腹霍亂惡證無越於斯蓋陰陽反戾清濁相干陽氣暴升陰氣頓墜陰陽痞隔上下奔逸治之惟宜溫煖更詳別三因以調之 外因諸風則惡風有汗傷寒則惡寒無汗胃濕則重著傷暑則熱煩 內因九氣所致鬱聚痰涎痞隔不通遂致滿悶隨其勝復必作吐利 不內外因或諸飽食膾炙恣飲乳酪諸脯寒漿旨酒胃既脹脾臟停凝內鬱必發遂成吐利當從不內外因也

鍼灸法

刺委中穴出血或刺十指頭出血皆是良法令西北人凡病傷寒熱入血分而不解者悉刺兩手腕中出血謂之打寒蓋寒隨血去亦即紅汗之類也故凡病受寒霍亂者亦宜此法治之令東南人有括痧之法以治心腹急痛蓋使寒隨血聚則邪達於外而臟氣始安此亦出血之意也

霍亂吐瀉不止灸天樞氣海中脘四穴立愈

霍亂危急將死用鹽填臍中灸二七壯立愈

轉筋十指拘攣不能屈伸灸足外踝骨共上七壯

霍亂論列方

四君子湯補一

小和中飲新和八

和胃飲新和五

四逆湯熱十

六和湯和一七

桂枝湯散九

竹葉石膏湯寒五

論外備用方

人參散和一二六

治中湯熱十中氣不和

薑附湯熱三二厥冷轉筋

養正丹熱一八九氣壅滯

千金霍亂方熱八六

惡心噉氣

經義

宣明五常篇曰五氣所病心為噫

脈解篇曰太陰所謂上走心為噫者陰盛而上走於陽明陽明絡屬心故曰上走心為噫也

五君子煎新熱六

二陳湯和一

溫胃飲新熱五

理中湯熱一

排氣飲新和六

五味異功散補四

四逆加豬膽汁湯熱十六

縮脾飲和一七三暑毒

吳茱萸湯熱一三九陰暑

冷香湯熱八二生冷滯

訶子散熱八四皆宜老幼

附子梗米湯熱八十四逆乾嘔

六君子湯補五

神香散新和七

胃苓湯九和十

理陰煎新熱二

益元散寒百十二

苓朮二陳煎新和四

藿香正氣散和一二十風寒

木瓜湯熱八三轉筋

霍亂三方熱八五

四順附子湯熱九七陰寒

大和中飲新和七

平胃散和一十

五苓散和一十

獨參湯補三六

理中丸熱一

局方七氣湯和一五

丁香散和一二八氣逆

太順散熱七八寒滯

乾霍亂二方熱七八

冷香飲子熱八一陰暑

經義 惡心噉氣

經脈篇曰足太陰病則古本強食則嘔胃脘痛腹脹善噫得後與氣則快然如衰口問篇曰人之噫者何氣使然曰寒氣客於胃厥逆從下上散復出於胃故為噫

陰陽別論曰二陽一陰發病主驚駭背痛善噫善欠名曰風厥

痺論曰心痺者脈不通煩則心下鼓暴上氣而喘噤乾善噫

三部九候論曰若有七診之病其脈候亦敗者死矣必發噤噫

至真要大論曰歲厥陰在泉風淫所勝民病隔咽不通食則嘔腹脹善噫得後與氣則快然如衰身體皆重○

太陽司天寒淫所勝民病胸脇胃脘不安面赤目黃善噫噤乾甚則色焔渴而欲飲病本於心○少陰之復煇

熱內作外為浮腫為噤噫

四時刺逆從論曰刺五臟中心一日死其動為噫

診要經終論曰太陰終者腹脹閉不得息善噫善嘔

惡心證治內經無惡心之說凡嘔吐證即其類也經義詳見本門 共三條

惡心證胃口泛逆兀兀不寧之病凡惡心欲吐口必流涎噤之不下愈噤愈惡而嘔吐繼之亦有不嘔吐而時

見惡心者然此雖曰惡心而實胃口之病非心病也此證之因則有寒有食有痰飲有穢氣有火邪有陰溼傷

胃或傷寒瘧痢諸邪之在胃口者皆得有之若欲察之但當察其虛實寒熱則盡之矣蓋實邪惡心者邪去則

止其來速其去亦速虛邪惡心者必得胃氣大復其病方愈且此證惟虛寒者十居八九即有實邪嘔惡者亦

必其脾氣不健不能運化而然此所以凡治惡心者必當知其實中有虛勿得妄行攻擊而胃氣不可不顧也

一虛寒惡心其證最多若非猝暴而常見或形氣不足之輩悉以胃氣弱也故凡治此者多宜以溫補為主○

若脾胃微虛生痰或兼吞酸噯腐欬嗽惡心者宜六君子湯 若脾胃虛寒痰滯欬嗽而惡心者金水六君煎

○若脾胃虛寒或太陰自利腹痛嘔吐惡心者溫胃飲或理中湯聖疔煎○若脾胃虛寒上下不能運行或腹